

U skladu sa odredbama člana 12. i člana 15. Pravilnika o uvođenju, kategoriziranju i dodjeljivanju nagrada Fondacije „Idriz Jakupović“, na osnovu Izvještaja Komisije za dodjelu nagrada za izuzetna postignuća u sportu „Sportum fundatio“, u cilju promoviranja najviših civilizacijskih vrijednosti i postignuća u društvu u kategoriji izuzetna postignuća u sportu, Upravni odbor Fondacije „Idriz Jakupović“ na svojoj 14.sjednici koja je održana dana 02.04.2018.godine u Prijedoru, donio je s l j e d e ć u

## **ODLUKU**

**o dodjeli nagrade za izuzetna postignuća u sportu  
„Sportum fundatio“**

*n a i m e*

**SENJANIN MAGLAJLIJA**

*iz Bosne i Hercegovine.*

## **Obrazloženje**

Komisija za dodjelu nagrade za *izuzetna postignuća u sportu „Sportum fundatio“*, u sastavu: Indira Kastratović, sportski direktor ŽRK „Vardar“ (Makedonija), predsjednik, Mr.sci.Vedran Šupuković, direktor RK „PPD Zagreb“ (Hrvatska), član, Božidar Jović, sportski menadžer RK „PPD Zagreb“ (Hrvatska), član, Vlatko Glavaš, nogometni trener (Bosna i Hercegovina), član, Senudin Safić, sportski novinar (Bosna i Hercegovina), član, Zoran Kastratović, rukometni trener (Crna Gora), član, Emir Tabaković, sportski novinar (Bosna i Hercegovina), član, imenovana je od strane Upravnog odbora Fondacije „Idriz Jakupović“ odlukom broj: 03-02/2018 od 16.02.2018.godine da izvrši postupak vrednovanja nominiranih kandidata za dodjelu nagrade Fondacije u datoj kategoriji.

Za predmetnu nagradu Fondacije, u užem krugu izbora, nominirana su tri kandidata i to: Senjanin Maglajlija iz Bosne i Hercegovine i Haris Seferović iz Švicarske.

Komisija je, u skladu sa datim Kriterijima (interni broj:KKDN-01-1/2018), izvršila vrednovanje nominiranih kandidata i zaključila da nominirani kandidat Senjanin Maglajlija ima najveći rang osvojenih bodova, o čemu je sačinjen Izvještaj imenovane Komisije broj: N-9/SpF od 30.03.2018.godine, koji je upućen Upravnom odboru Fondacije na razmatranje i usvajanje.

Razmatrajući predmetni Izvještaj Komisije, Upravni odbor Fondacije je na svojoj 14. sjednici koja je održana dana 02.04.2018.godine odlučio kao u dispozitivu.

U prilogu se dostavljaju relevantni biografski podaci o dobitniku nagrade.

Broj odluke Upravnog odbora: 09-05/2018

Datum Odluke: 02.04.2018. godine.

**Direktor Fondacije**  
Dr.med.dent.Ajdin Jakupović

**Predsjednik Upravnog odbora Fondacije**  
Prof.dr.sci.Sanel Jakupović

## PRILOG

uz Odluku Upravnog odbora Fondacije za stipendiranje učenika i studenata „Idriz Jakupović“ o dodjeli nagrade za za izuzetna postignuća u sportu „*Sportum fundatio*“, broj: 09-05/2018 od 02.04.2018.godine

### BIOGRAFSKI PODACI O DOBITNIKU NAGRADE „*SPORTUM FUNDATIO*“

#### SENJANIN MAGLAJLIJA



Fotografija Senjanin Maglajlija

**Senjanin Maglajlija**, rođen 30.aprila 1968.godine u Goraždu, bivši je bosanskohercegovački rukometaš i rukometni trener. Trenutno radi u jednoj od najprestižnijih menadžerskih rukometnih agencija „FESTIVUS“, koja trenutno saraduje sa 12 bh reprezentativaca. Kao aktivan rukometaš najčešće je igrao kružnog igrača.

Rukomet je počeo igrati u Goraždu 1982.godine. Zatim je uslijedio prelazak u RK Borac iz Banjaluke sa kojim je za vrijeme njegovog petogodišnjeg nastupanja osvojio IHF KUP 1991.godine. Nastavio je igrati u RK Partizan iz Beograda. U Španiji igrao je jednu godinu u FC Barcelona sa kojom je osvojio Kup Kupova, zatim je igrao po jednu godinu za BM Ciudad Real, VfL Fredenbeck i Bidasoa Irún. 1998.godine Maglajlija prelazi u RK Zagreb (tada Badel 1862 Zagreb). Šest godina je nastupao za najtrofejniji hrvatski rukometni klub, prije nego je 2004.godine okončao svoju igračku karijeru.

U 22 godine igračke karijere, ukupno 18 godina je nastupao kao profesionalac,internacionalac. Igrao je u 9 klubova,od toga u 5 bivših evropskih prvaka. U 18 godina profesionalne igračke karijere,14 godina je igrao evropske kupove i uvijek ulazio u najmanje jednu četvrtinu finala. Kao igrač osvojio je 13 domaćih titula i dvije evropske:

- 1991. s RK Borac iz Banja Luke – KUP IHF
- 1995. s FC Barcelona – KUP KUPOVA.

Igrao je jedno finale lige prvaka, jedno polufinale lige prvaka i niz četvrt finala. Bio je reprezentativac bivše države (SFRJ) 33 puta i s omladinskom reprezentacijom Jugoslavije osvojio je zlatnu medalju na svjetskom prvenstvu održanom u Rijeci 1987. Na svjetskom omladinskom prvenstvu u Španiji 1989. osvojio je bronačnu medalju. Za reprezentaciju BiH igrao je 47 puta i bio kapiten do samog prestanka igračke karijere.

Od 2004.-2010. bio je profesionalno zaposlen u RK Zagreb. Od 2005.-2010. je licencirani trener u RK Zagreb. Od 2006.-2009. bio je pomoćni trener u prvoj ekipi,a u sezoni 2008./2009. samostalno je vodio ekipu u nacionalnom prvenstvu Hrvatske. Pred kraj sezone 2008./2009. i sezonu 2009./2010. postaje prvi trener RK Zagreb i tu funkciju obavlja u paru s Mirkom Bašićem.

U mandatu Kasima Kamenice kao selektora reprezentacije BiH bio mu je pomoćnik u nekoliko utakmica. Od januara 2011. je postavljen za sportskog direktora rukometne „A“ reprezentacije Bosne i Hercegovine. Odlično govori španjolski jezik, a služi se i engleskim i njemačkim. Oženjen je i ima dvoje djece.